



Nikolaj Jeremiassen
Inatsisartunut ilaasortaq
Inatsisartut
/MAANI

§ 37 nr. 2015-162-mut raajanik agguassineq pillugu akissut

Inatsisartut Suleriaasianni § 37, imm. 1 naapertorlugu aalisarnermut tunngasunik Naalakkersuisunut apeqquteqaateqarputit. Apeqqutit uannut akineqartussanngortinneqarsimapput.

Apeqqutit:

1. Naalakkersuisut pilersaaruteqarpat ukiumut raajartassiissutit TAC-ip tamakkiisut (100%) iluani agguanneqartarnerini toqqammavigineqartartup 57 % avataasiortunut kiisalu 43 % nunap qanittuani raajarniartunut pisassiissutit pillugit allanngortitsinissaminnik, taamaalilluni avataani pisassat nunallu qanittuani pisassat assigiilerlutik: 50 % avataasiortunut kiisalu 50 % nunap qanittuani raajarniartunut?

Akissut:

1)-imut

Aalisarnermut inatsisip § 5. imm. 3 naapertorlugu raajanut TAC –ip agguanneqarnerani aalisariutinut avataasiortunut 57 %-it sinerissamullu qanittumi aalisariutinut 43 %-it agguanneqartarput. Agguasseriaaseq tamanna, oqallisaakulaartorujussuuvoq. Pingaartumik Pinngortitaleriffimmiit maannakkorpiaq siunnersuineq taamaattillugu taamatut aalajangiussamik agguaassisarneq naapertuuttuunersoq pillugu oqallittoqalersarpoq. 2015-imut maannakkorpiaq siunnersuineq qiviaraanni, tassani aamma sumiiffinnut avataaniittunut tunngatillugu raajaqassutsip appariangaatsiarsimanera takuneqarsinnaavoq. Tamatuma kingunerisaanik sinerissap qanittuani aalisartunut iluaqutaasussamik agguaassisarnerup allanngortinneqarnissaa siunertaralugu inatsimmik allannguisoqarsinnaasoq eqqarsaatigineqarsinnaavoq. Taamaattorli agguaassisarnermi taamatut allannguisoqassappat tamanna avataasiorlutik aalisartunut imaannaanngitsumik iliuseqarnerussaaq. Peqatigitillugulu aamma ukiuni aggersuni raajaqassutsip qanoq ineriartorumaarnissaa nalorninarluni. Tamanna tunngavigalugu Naalakkersuisut maannakkut agguaassisarnerup allanngortinneqarnissaa pillugu pilersaaruteqanngillat.

Inussiarnersumik inuulluaqqusillunga

Karl-Kristian Kruse

09-07-2015
Suliap normua 2015-116182
Dok. nr. 2010542

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl